

Na osnovu člana 20. stav (2) Zakona o novčanim podrškama u poljoprivredi i ruralnom razvoju ("Službene novine Federacije BiH", broj 42/10), federalni ministar poljoprivrede, vodoprivrede i šumarstva donosi

**PRAVILNIK  
O USLOVIMA I NAČINU OSTVARENJA NOVČANIH PODRŠKI PO  
MODELU RURALNOG RAZVOJA**

**I - OPĆE ODREDBE**

Član 1.

(1) Ovim Pravilnikom propisuje se način i uslovi ostvarivanja novčanih podrški po Modelu ruralnog razvoja, propisuju se opći i posebni kriteriji koje mora ispuniti pravno ili fizičko lice (u daljem tekstu: klijent) koji je upisan u Registar poljoprivrednih gazdinstava ili Registar klijenata (u daljem tekstu: RPG i RK), kao i pravo za ostvarivanje novčane podrške (u daljem tekstu: podrška) za mjere ruralnog razvoja, postupak njenog ostvarenja, potrebna dokumentacija, obrasci i način isplate i obaveze koje klijent mora da ispuni prije ili nakon ostvarenja podrške.

Član 2.

Svi klijenti imaju jednaka prava i mogućnosti učešća u ostvarenju podrške, što podrazumijeva jednak tretman u pristupu, ispunjavanju uslova i korištenju raspoloživih sredstava u svim predloženim mjerama.

**II - MODEL RURALNOG RAZVOJA**

Član 3.

(1) Model ruralnog razvoja obuhvata mjere:

Mjere ruralnog razvoja - investicije u poljoprivredna gazdinstva (u daljem tekstu: investicije) koja se bave proizvodnjom poljoprivrednih proizvoda iz Dodatka I Zakona o poljoprivredi ("Službene novine Federacije BiH", br. 88/07 i 4/10), za period od 01.06.2010. do 31.12.2011. godine;

Mjere ruralnog razvoja - investicije u 2012. godini, koje obuhvataju:

podizanje višegodišnjih zasada voćnjaka (intenzivni i poluintenzivni voćnjaci);

podizanje višegodišnjih zasada vinograda;

nabavka mehanizacije i opreme u biljnoj proizvodnji;

nabavka rasplodne stoke;

izgradnja objekata, nabavka mehanizacije i opreme u animalnoj proizvodnji;

izgradnja i opremanje plastenika i staklenika;

izgradnja novih te rekonstrukcija i opremanje postojećih ribnjaka i pogona za doradu i pakovanje ribe;

ulaganje u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakovaonice i dr.);

c) Certifikacija Organske proizvodnje;

d) Regresiranje kamata na investicijske kredite u 2012. godini za razvoj poljoprivredne proizvodnje;

e) Očuvanje autohtonih biljnih i životinjskih vrsta.

Član 4.

Pojedini izrazi u smislu ovog Pravilnika imaju značenje utvrđeno članom 3. Zakona o poljoprivredi.

U ovom Pravilniku koristi se i izraz "Porezna faktura ili blagajnički račun" koji ima značenje dokumenta izdatog u skladu sa Zakonom o porezu na dodanu vrijednost ("Službeni glasnik BiH", br. 9/05, 35/05 i 100/08) odnosno odredbama čl. 106. - 127. Pravilnika o primjeni Zakona o porezu na dodanu vrijednost ("Službeni glasnik BiH", br. 93/05, 21/06, 60/06, 6/07, 100/07, 35/08 i 65/10).

**III - NAČIN OSTVARIVANJA PODRŠKE**

Član 5.

Zahtjevi za podršku u okviru ruralnog razvoja podnose se na osnovu Programa utroška sredstava sa kriterijima raspodjele sredstava "Poticaj za poljoprivredu" (u daljem tekstu: Program), kojeg donosi Vlada FBiH za tekuću godinu i odredaba ovog Pravilnika.

Program i Pravilnik iz stava 1. ovog člana objavljuju se u "Službenim novinama Federacije BiH", a Javni poziv za mjere propisane ovim Pravilnikom u najmanje dva dnevna lista na teritoriji Federacije Bosne i Hercegovine (u daljem tekstu: Federacija) i na službenoj web stranici Ministarstva (<http://www.fmpvs.gov.ba>).

Ovim Pravilnikom i Javnim pozivom iz stava 2. ovog člana propisuju se rokovi, uslovi za podnošenje zahtjeva kao i potrebna dokumentacija za ostvarivanje prava na podršku za mjere ruralnog razvoja u skladu s Programom.

## **"Službene novine FBiH", broj: 56/12, 109/12**

### Član 6.

Zahtjevi se dostavljaju Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo).

Prilikom obrade zahtjeva utvrđuje se blagovremenost, potpunost i osnovanost zahtjeva klijenta propisanih Programom, ovim Pravilnikom i Javnim pozivom.

Federalno ministarstvo donosi Rješenje kojim odlučuje o zahtjevima koji su pristigli kao neblagovremeni, nepotpuni ili neosnovani.

Federalni ministar poljoprivrede, vodoprivrede i šumarstva (u daljem tekstu: ministar) rješenjem imenuje Komisiju za ruralni razvoj (u daljem tekstu: Komisija).

Komisija iz stava (4) ovog člana će razmotriti prispjele zahtjeve i sačiniti prijedlog za odobrenje ili odbijanje zahtjeva, nakon čega ministar donosi rješenje.

Rješenje iz st. 3. i 5. ovog člana je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod Kantonalnog suda u Sarajevu u roku od 30 dana od dana prijema rješenja.

Isplata podrške se može vršiti u više obroka, što će se definisati rješenjem ministra ili Ugovorom.

Ukoliko Komisija u određenom predmetu sumnja da je račun ili procjena sudskog vještaka o investicionim ulaganjima veća od stvarnog ulaganja klijenta, Federalno ministarstvo može zatražiti dostavu dodatne dokumentacije i angažovati drugog sudskog vještaka radi procjene vještačenja u cilju utvrđivanja činjenica.

Radi utvrđivanja činjeničnog stanja sposobnosti klijenta, njegove ekonomske održivosti (kratkoročna ili dugoročna), uravnoteženja teritorijalne zastupljenosti, Komisija može, do izvršene kontrole na terenu od strane Federalnog ministarstva, pored dokumentacije propisane za svaku mjeru, zatražiti i slijedeću dodatnu dokumentaciju:

- bilancu stanja i uspjeha klijenta za prethodni period,
- biznis planove za naredni period,
- ugovore i garancije poslovnih partnera da su biznis planovi provodivi u svakom dijelu, i drugo.

U slučaju da je poslovanje pojedinog klijenta na visokom nivou ili ispod nivoa ekonomske održivosti, na prijedlog Komisije, ministar može rješenjem odbiti zahtjev, poništiti izdato rješenje i naložiti povrat isplaćenih sredstava.

Klijent ne može ostvariti podršku više puta po istom osnovu.

## **1. OPĆI USLOVI**

### Član 7.

- (1) Pravo na podršku u okviru modela ruralnog razvoja ima klijent koji ispunjava slijedeće opće uslove: ostvario je primarnu poljoprivrednu proizvodnju, prehrambenu proizvodnju ili poljoprivrednu ili drugu djelatnost i koji ima sjedište, odnosno prebivalište na teritoriji Federacije, propisanu Programom za 2012. godinu i ovim Pravilnikom, upisan je u RPG i RK, što dokazuje potvrdom koju izdaje nadležna općinska služba nakon 01.01.2012. godine, ispunjava kriterije propisane Programom i ovim Pravilnikom za svaku pojedinu mjeru, dostavi obavještenje o razvrstavanju pravnog lica po djelatnosti; dostavi popunjen Obrazac zahtjeva I -1 i popunjen Obrazac projekta investicionog ulaganja **PIU**, koji se nalaze u prilogu ovog Pravilnika i čine njegov sastavni dio; investirao je u periodu od 01.06.2010. godine do 31.12. 2011. godine i investicije u 2012. godini. ostvari pravo na podršku u ponovljenom postupku provedenom po pravosnažnim sudskim presudama u oblasti podrški iz prethodnih godina, u postupcima u skladu sa čl. 240., 258. Zakona o upravnom postupku, u ponovljenim postupcima nadležnih kantonalnih ministarstava provedenim po pravosnažnim rješenjima donesenim u drugostepenim postupcima Federalnog ministarstva,
  - h) za zadrugu, pored navedene dokumentacije i potvrdu ili rješenje o izvršenoj zadružnoj reviziji ne starije od dvije godine, a za novoformirane zadruge rješenje o upisu u sudski registar,
  - i) dostavi potpun i blagovremen zahtjev u skladu sa propisanim procedurama za svaku mjeru.
- (2) Kod podnošenja zahtjeva za podršku Federalnom ministarstvu klijenti su dužni dostaviti dokaz o uplati federalne upravne takse u skladu sa Tar. br. 1. i 2. u ukupnom iznosu od 12 KM (5 KM za zahtjev i 7 KM za rješenje), a u skladu sa Zakonom o federalnim upravnim taksama i tarifi federalnih upravnih taksi ("Službene novine Federacije BiH", br. 6/98 i 8/00).

### Član 8.

- (1) Dokumentacija za klijenta koju može provjeravati Federalno ministarstvo iz RPG i RK je: upis u sudski registar za privredna društva i zemljoradničke zadruge koje se bave poljoprivrednom proizvodnjom;

## "Službene novine FBiH", broj: 56/12, 109/12

Rješenje o odobravanju obavljanja obrtničke djelatnosti za obrtnike koji se bave poljoprivrednom proizvodnjom;  
pravo na korištenje zemljišta nosioca RPG (ZK izvadak na ime vlasnika zemljišta ili dokument na osnovu kojeg dokazuje postojanje prava: pravno valjani ugovor o kupoprodaji, zakupu, poklonu, koncesiji ili korištenju, pravosnažno rješenje o nasljeđivanju, s priloženim ZK ili posjedovnim listom koji glasi na ime davaoca prava), koji će se pored ostalog uzeti kao dokaz iz RPG i RK za obračun podrške, podatak o otvorenom bankovnom računu klijenta (transakcijski račun banke i tekući račun klijenta).

### 2. POSEBNI USLOVI

#### Član 9.

##### **B/ MJERE RURALNOG RAZVOJA**

##### **B/1-A KAPITALNA ULAGANJA - INVESTICIJE U POLJOPRIVREDNA GAZDINSTVA**

Pravo na podršku imaju klijenti koji su investirali u poljoprivredna gazdinstva koja se bave proizvodnjom poljoprivrednih proizvoda iz Dodatka I Zakona o poljoprivredi, u periodu od 01.06.2010. godine do 31.12.2011. godine.

Klijent ostvaruje pravo na podršku iz stava (1) ovog člana u iznosu od 25% investiranih sredstava.

Kriteriji, rokovi i potrebna dokumentacija za ostvarivanje prava na podršku iz stava (1) ovog člana propisat će se Javnim pozivom koji će objaviti Federalno ministarstvo.

##### **B/1-B KAPITALNA ULAGANJA - INVESTICIJA U POLJOPRIVREDNA GAZDINSTVA U 2012. GODINI**

#### Član 10.

Kapitalna ulaganja - investicije u poljoprivredna gazdinstva u 2012. godini obuhvataju: podizanje višegodišnjih zasada voćnjaka i vinograda, nabavku mehanizacije i opreme u biljnoj proizvodnji, nabavku rasplodne stoke, izgradnju objekata, nabavku mehanizacije i opreme u animalnoj proizvodnji; izgradnju i opremanje plastenika i staklenika, izgradnju novih te rekonstrukcija i opremanje postojećih ribnjaka i pogona za doradu i pakovanje ribe, ulaganje u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakovaonice i dr.),

Ukoliko ukupan iznos sredstava iz zahtjeva za investicije iz stava (1) ovog člana premaše iznos predviđen Programom za 2012. godinu, visina sredstava za podršku pojedinom klijentu srazmjerno će biti umanjena po svim zahtjevima, osim po osnovu podizanja višegodišnjih zasada voćnjaka i vinograda.

Pravo na podršku ostvaruje klijent za završenu investiciju, investiciju u toku i projekat/program planiran po fazama za koji se sklapa Ugovor o realizaciji navedenog projekta/programa između Federalnog ministarstva i klijenta.

#### Član 11.

##### **Podizanje višegodišnjih zasada voćnjaka i vinograda**

Pravo na podršku ima klijent za investicije u podizanje višegodišnjih zasada u voćarstvu i vinogradarstvu koji se bavi poljoprivrednom proizvodnjom i koji izvrši ulaganja za navedenu mjeru.

Podršku za podizanje višegodišnjeg intenzivnog/poluin-tenzivnog zasada voćnjaka i vinograda ostvaruje klijent koji:

zasadi najmanje 0,5 ha površine pod voćnjakom ili maslinikom, odnosno najmanje 0,3 ha vinograda i ako ugradi sistem za navodnjavanje i podigne naslone, za zasade čiji uzgoj zahtjeva naslone, zasadi minimalan broj sadnica koji ne može biti ispod propisanih količina u navedenoj tabeli, posjeduje pravnovaljan ugovor o zakupu zemljišta ili ugovor o koncesiji (za jagodasto voće na minimalno 5 godina, a za voćnjake i vinograde minimalno 10 godina), za klijente koji ne koriste vlastito zemljište.

Rb.	Vrsta voća	Latinski nazivi	Minimalan broj sadnica po hektaru	
			Intenzivni zasad	Poluintenzivni zasad
A	<b>Krošnjasto, jagodičasto voće i vinova loza</b>			
1.	Jabuka	Malus sp.	1.600	400
2.	Kruška	Pyrus sp.	1.000	500
3.	Kruška na sijancu	Pyrus sp.	1.000	400
4.	Šljiva na vegetativnoj podlozi	Prunus domestica	1.200	500
5.	Šljiva na generativnoj podlozi	Prunus domestica	600	300
6.	Breskva	Prunus	650	500

**"Službene novine FBiH", broj: 56/12, 109/12**

		persica		
7.	Kajsija	Prunus armeniaca	650	200
8.	Nektarina	Prunus persica var. nectarina	650	500
9.	Trešnja na gizeli	Prunus avium	1.000	300
9a.	Trešnja na klasičnoj podlozi	Prunus avium	500	
10.	Višnja -kalemljena na trešnji	Prunus cerasus	600	400
11.	Višnja -oblačinska	Prunus cerasus	600	400
12.	Lješnjak -kalemljeni	Corylus avellana	700	
13.	Lješnjak -izdanak	Corylus avellana	700	
14.	Smokva	Ficus carica	300	150
15.	Maslina	Olea europea	200	150
16.	Šipak (nar)	Punica Granatum	500	300
17.	Badem	Prunus amygdalus	500	200
18.	Aktinidija	Actinida chinensis	1.000	
19.	Malina	Rubus ideus	12.000	
20.	Kupina	Rubus nigra	4.000	
21.	Jagoda	Fragaria	40.000	-
22.	Borovnica	Vaccinum	3.000	-
23.	Brusnica	Vaccinum vitis ideae	40.000	
24.	Ribizla	Ribes nigrum/rubrum	8.000	
25.	Ogrozd	Ribes grossularis	8.000	—
26.	Orah	Juglans regia	400	200
27.	Vinova loza	Vitis vinifera	3.000	

- (3) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
- popunjen Obrazac zahtjeva (I -1) za ostvarivanje prava na podršku, potvrdu o upisu u RPG i RK,
  - popunjen obrazac projekta investicionog ulaganja (PIU), račun kao dokaz o kupljenom deklarisanom, odnosno certificiranom sadnom materijalu: poreznu fakturu ili blagajnički račun u skladu sa članom 4. stav 2. ovog Pravilnika, jedinstvenu carinsku deklaraciju - JCI obrazac s pripadajućim računom za uvezene sadnice, dokaz o preuzimanju proizvedenih poljoprivrednih proizvoda unutar vlastitog gazdinstva za podizanje zasada (klijent koji na vlastitom gazdinstvu ostvaruje proizvodnju, vrši dalju sadnju istih) -primka na skladište repromaterijala, izdatnica sa skladišta u proizvodnji, radni nalog u proizvodnji, primka na skladište gotovih proizvoda,
  - za zadruge, pored gore navedene dokumentacije i potvrdu o izvršenoj zadržnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar,
  - h) izjavu, da će podignuti zasad redovno održavati (primjena agrotehničkih mjera, zaštita od bolesti i štetočna) i zadržati ga u svom vlasništvu u periodu koji je propisan standardima za svaku pojedinu voćnu vrstu.
- Klijent koji podigne nove zasade voćnjaka, maslinika ili vinograda u jesenjoj sadnji tekuće godine, podršku ostvaruje u narednoj godini.

## **"Službene novine FBiH", broj: 56/12, 109/12**

Za podizanje zasada krošnjastog voća ostvaruje se podrška od (8.000,00 KM/ha za intenzivni zasad, odnosno 5.000,00 KM/ha za poluintenzivni zasad), za intenzivni zasad jagodičasto voće ostvaruje se podrška od 5.000,00 KM/ha i za intenzivni zasad vinograda 10.000,00 KM/ha. Klijent može ostvariti podršku za maksimalno 30 ha podignutog zasada voćnjaka, maslinika ili vinograda.

### Član 12.

#### **Nabavka mehanizacije i opreme u biljnoj proizvodnji**

(1) Pravo na podršku za investicione projekte za nabavku opreme i mehanizacije ima klijent koji se bavi biljnom proizvodnjom i koji izvrši ulaganje u okviru ove mjere minimalno 5.000,00 KM.

Oprema iz uvoza može biti starosti do pet godina, mehanizacija do sedam godina, a oprema i mehanizacija kupljena na domaćem tržištu mora biti potpuno nova.

Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:

popunjen Obrazac zahtjeva (I -1) za ostvarivanje prava na podršku, potvrdu o upisu u RPG i RK, popunjen obrazac projekta investicionog ulaganja (PIU), račun kao dokaz o kupljenoj mehanizaciji ili opremi na ime klijenta: poreznu fakturu ili blagajnički račun u skladu sa članom 4. stav 2. ovog Pravilnika, jedinstvenu carinsku deklaraciju - JCI obrazac s pripadajućim računom za uvezenu opremu ili mehanizaciju, saobraćajnu dozvolu za traktor, prikolicu, kombajn ili drugu mašinu koja podliježe registraciji, ovjerenu izjavu klijenta da će nabavljenu opremu ili mehanizaciju zadržati u svom vlasništvu najmanje tri godine,

h) za zadruga, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruga izvršen upis u sudski registar.

Dokazi o izvršenom ulaganju u okviru investicionog projekta uvažavaju se samo ako su izdati u tekućoj godini do rokova propisanih Javnim pozivom.

Maksimalno dopušteni iznos koji klijent može ostvariti u okviru ove mjere iznosi 150.000,00 KM.

Udio investicijske podrške za ovu mjeru obračunati će se u iznosu od 25% ukupne vrijednosti investicije.

### Član 13.

#### **Nabavka rasplodne stoke (krava, ovaca, koza, svinja i pčela)**

(1) Pravo na podršku za investicijske projekte za nabavku rasplodne stoke ima klijent koji se bavi poljoprivrednom proizvodnjom i koji izvrši ulaganje u okviru ove mjere minimalno 5.000,00 KM.

(2) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju: popunjen Obrazac zahtjeva (I -1) za ostvarivanje prava na podršku, potvrdu o upisu u RPG i RK,

popunjen obrazac projekta investicionog ulaganja (PIU),

račun kao dokaz o kupljenoj rasplodnoj stoci: poreznu fakturu ili blagajnički račun u skladu sa članom 4. stav 2. ovog Pravilnika,

jedinstvenu carinsku deklaraciju - JCI obrazac s pripadajućim računom za uvezenu rasplodnu stoku, potvrdu da su krave obilježene u skladu sa Pravilnikom o obilježavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10 i 25/11),

kopiju pasoša goveda, izdate u skladu sa Pravilnikom o obilježavanju životinja (dostavlja se neovjerena kopija),

h) potvrdu da su životinje obilježene u skladu sa Pravilnikom o obaveznom označavanju i upisu u jedinstveni Registar ovaca, koza i svinja te vođenju evidencije ("Službene novine Federacije BiH", br. 87/07 i 64/08),

i) ovjerenu izjavu klijenta da će nabavljena rasplodna grla zadržati u uzgoju najmanje 3 godine od dana ostvarivanja prava na ovu vrstu podrške,

j) kopiju pojedinačnog ili skupnog obrasca za prijavu kretanja i svjedodžbu o zdravstvenom stanju životinje koju nadležna veterinarska organizacija izdaje za sve životinje koje su kupljene - prodane,

k) za zadruga, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruga izvršen upis u sudski registar,

Dokazi o izvršenom ulaganju u okviru investicionog projekta uvažavaju se samo ako su izdati u tekućoj godini do rokova propisanih Javnim pozivom.

Maksimalno dopušteni iznos koji klijent može ostvariti u okviru ove mjere iznosi 100.000,00 KM.

### Član 14.

#### **Izgradnja objekata i nabavka mehanizacije i opreme u animalnoj proizvodnji**

## **"Službene novine FBiH", broj: 56/12, 109/12**

(1) Pravo na podršku za investicijske projekte u izgradnju objekata i nabavku mehanizacije i opreme u animalnoj proizvodnji ima klijent koji se bavi poljoprivrednom proizvodnjom i koji izvrši ulaganje u okviru ove mjere minimalno 5.000,00 KM.

Oprema iz uvoza može biti starosti do pet godina, mehanizacija do sedam godina, a oprema i mehanizacija kupljena na domaćem tržištu mora biti potpuno nova.

Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:

popunjen Obrazac zahtjeva (I -1) za ostvarivanje prava na podršku,  
potvrdu o upisu u RPG i RK,

popunjen obrazac projekta investicionog ulaganja (PIU),

račun kao dokaz o izgradnji objekta i nabavci mehanizacije i opreme: poreznu fakturu ili blagajnički račun u skladu sa članom 4. stav 2. ovog Pravilnika ili procjenu sudskog vještaka o vrijednosti investicije,

jedinstvenu carinsku deklaraciju - JCI obrazac s pripadajućim računom za uvezeni materijal za izgradnju, mehanizaciju i opremu,

za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar,

ovjerenu izjavu klijenta da će izgrađeni objekt i nabavljenu mehanizaciju i opremu koristiti u skladu sa namjenom navedenom u zahtjevu najmanje 5 godina od dana ostvarivanja prava na ovu vrstu podrške.

Dokazi o izvršenom ulaganju u okviru investicionog projekta uvažavaju se samo ako su izdati u tekućoj godini do rokova propisanih Javnim pozivom.

Maksimalno dopušteni iznos koji klijent može ostvariti u okviru ove mjere iznosi 150.000,00 KM.

### Član 15.

#### **Izgradnja i opremanje staklenika i plastenika**

(1) Pravo na podršku za investicijske projekte za izgradnju i opremanje staklenika i plastenika ima klijent koji se bavi poljoprivrednom proizvodnjom i koji izvrši ulaganja u okviru ove mjere minimalno 5.000,00 KM za izgradnju minimalno 200 m<sup>2</sup> površine i nabavi opremu za plasteničku proizvodnju za navedenu površinu.

Oprema iz uvoza može biti starosti do pet godina, a kupljena na domaćem tržištu mora biti potpuno nova.

Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:

popunjen Obrazac zahtjeva (I -1) za ostvarivanje prava na podršku,  
potvrdu o upisu u RPG i RK,

popunjen obrazac projekta investicionog ulaganja (PIU),

račun kao dokaz o izgradnji i kupljenoj opremi: poreznu fakturu ili blagajnički račun u skladu sa članom 4. stav 2. ovog Pravilnika ili procjenu sudskog vještaka o vrijednosti investicije,

jedinstvenu carinsku deklaraciju - JCI obrazac s pripadajućim računom za uvezeni materijal za izgradnju i opremanje,

za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar,

ovjerenu izjavu klijenta da će izgrađeni plastenik/staklenik i nabavljenu opremu zadržati u svom vlasništvu najmanje tri godine od dana ostvarivanja prava na ovu vrstu podrške.

Dokazi o izvršenom ulaganju u okviru investicionog projekta uvažavaju se samo ako su izdati u tekućoj godini do rokova propisanih Javnim pozivom.

Maksimalno dopušteni iznos koji klijent može ostvariti u okviru ove mjere iznosi 100.000,00 KM.

### Član 16.

#### **Izgradnja novih, rekonstrukcija i opremanje postojećih ribnjaka i pogona za doradu i pakovanje ribe**

Pravo na podršku za investicijske projekte za ovu mjeru ima klijent koji se bavi poljoprivrednom proizvodnjom i koji izvrši ulaganje minimalno 5.000,00 KM.

Oprema iz uvoza može biti starosti do pet godina, a kupljena na domaćem tržištu mora biti potpuno nova.

Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:

popunjen Obrazac zahtjeva (I -1) za ostvarivanje prava na podršku,  
potvrdu o upisu u RPG i RK,

popunjen obrazac projekta investicionog ulaganja (PIU),

račun kao dokaz o izgradnji novih te rekonstrukciji i opremanje postojećih ribnjaka i pogona za doradu i pakovanje ribe: poreznu fakturu ili blagajnički račun u skladu sa članom 4. stav 2. ovog Pravilnika ili procjena sudskog vještaka o vrijednosti investicije,

## **"Službene novine FBiH", broj: 56/12, 109/12**

rješenje da objekat udovoljava propisanim veterinarsko-zdravstvenim uslovima – veterinarski broj, dozvolu za akvakulturu ili dokaz o podnesenom zahtjevu za izdavanje iste, za zadruga, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruga izvršen upis u sudski registar,

h) ovjerenu izjavu klijenta da će izgrađeni objekt i nabavljenu opremu koristiti u skladu sa namjenom navedenoj u zahtjevu najmanje 5 godina od dana ostvarivanja prava na ovu vrstu novčane podrške. Dokazi o izvršenom ulaganju u okviru investicionog projekta uvažavaju se samo ako su izdati u tekućoj godini do rokova propisanih Javnim pozivom.

Maksimalno dopušteni iznos koji klijent može ostvariti u okviru ove mjere iznosi 100.000,00 KM.

### Član 17.

#### **Ulaganje u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakovaonice i dr.)**

Pravo na podršku za investicijske projekte ulaganja u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakovaonice i dr.) ima klijent koji se bavi poljoprivrednom proizvodnjom i koji izvrši ulaganja u okviru ove mjere minimalno 5.000,00 KM.

Oprema iz uvoza može biti starosti do pet godina, a kupljena na domaćem tržištu mora biti potpuno nova.

Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:

popunjen Obrazac zahtjeva (I -1) za ostvarivanje prava na podršku, potvrdu o upisu u RPG i RK,

popunjen obrazac projekta investicionog ulaganja (PIU),

račun kao dokaz o izvršenim ulaganjima za navedenu mjeru: poreznu fakturu ili blagajnički račun u skladu sa članom 4. stav 2. ovog Pravilnika ili procjena sudskog vještaka o vrijednosti investicije, za zadruga, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruga izvršen upis u sudski registar,

ovjerenu izjavu klijenta da će izgrađeni objekt i opremu koristiti u skladu sa namjenom navedenoj u zahtjevu za ostvarenje podrške narednih pet godina, od dana ostvarivanja prava na ovu vrstu podrške.

Dokazi o izvršenom ulaganju u okviru investicionog projekta uvažavaju se samo ako su izdati u tekućoj godini do rokova propisanih Javnim pozivom.

Maksimalno dopušteni iznos koji klijent može ostvariti u okviru ove mjere iznosi 200.000,00 KM.

#### **B/1-2 CERTIFIKACIJA ORGANSKE PROIZVODNJE**

### Član 18.

#### **Certifikacija organske proizvodnje**

Podršku može ostvariti klijent (proizvođač, prerađivač i sakupljač) koji je dobio Certifikat od tijela akreditiranog od strane međunarodno ovlaštenog akreditacijskog tijela prema zahtjevima standarda EN 45011/ISO Vodiča 65.

Podršku ostvaruje klijent ako se individualno ili grupno bavi proizvodnjom i preradom certifikovanih organskih proizvoda ili sakupljanjem samoniklog bilja i šumskih plodova.

Klijent mora imati prijavljenu proizvodnju kod akreditovane certifikacijske kuće za certificiranje poljoprivrednih proizvoda.

Troškovi u okviru ove mjere se priznaju za certifikaciju proizvodnje, grupnu proizvodnju i preradu organskih proizvoda. Sredstva se neće odobravati za recertifikaciju.

(5) Klijent može ostvariti podršku za:

certifikaciju operatora,

certifikaciju operatora sa grupom farmera (kolektivna certifikacija) i certifikaciju za preradu i promet.

(6) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju: popunjen Obrazac zahtjeva (C-1) za ostvarivanje prava na podršku koji se nalazi u prilogu ovog Pravilnika i čini njegov sastavni dio,

potvrdu o upisu u RPG i RK,

račun kao dokaz o izvršenoj certifikaciji: poreznu fakturu ili blagajnički račun u skladu sa članom 4. stav 2. ovog Pravilnika,

## **"Službene novine FBiH", broj: 56/12, 109/12**

za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar.

Visina podrške se ostvaruje u iznosu do 75% ukupno dokumentiranih troškova certifikacije.

Ova mjera realizovat će se u skladu sa Programom, a na osnovu Javnog poziva koji će biti objavljen u najmanje dva dnevna lista na teritoriji Federacije.

### **B/1- 3 REGRESIRANJE KAMATA**

Član 19.

#### **Regresiranje kamata**

Pravo na podršku ima klijent za regres kamata na investicijske kredite u 2012. godini za razvoj poljoprivredne proizvodnje u iznosu do 4 % na godišnjem nivou.

Ova mjera realizovat će se u skladu sa Programom, a na osnovu Javnog poziva koji će biti objavljen u najmanje dva dnevna lista na teritoriji Federacije u kojem će biti utvrđeni kriteriji raspodjele sredstava.

### **B/1- 4 ZAŠTITA AUTOHTONIH BILJAKA I ŽIVOTINJA**

Član 20.

#### **Podrška očuvanju genoma autohtonih biljaka i životinja**

(1) Podrška se odnosi na: proizvodnju autohtonog sjemena, sadnog materijala i podmlatka; sakupljanje, uzgajanje ili

promovisanje autohtonih vrsta; prikupljanje građe i uspostavljanje baze podataka o autohtonim vrstama za lokalno ili šire područje; izradu publikacija i promotivnih materijala o autohtonim vrstama (TV spotovi, knjige, brošure, katalozi, plakati, panoji, CD i sl.). (2) Ova mjera realizovat će se u skladu sa Programom, a na osnovu Javnog poziva koji će biti objavljen u najmanje dva dnevna lista na teritoriji Federacije u kojem će biti utvrđeni kriteriji raspodjele sredstava.

## **IV - NADZOR I KONTROLA**

Član 21.

Nadzor nad primjenom odredaba ovog Pravilnika vrši Federalno ministarstvo.

Kontrolu u fazi proizvodnje na terenu kod klijenta, tokom prikupljanja i obrade dokumentacije, kao i dodatnu kontrolu nakon odobravanja zahtjeva vrše ovlašteni službenici Federalnog ministarstva.

(4) Poslove inspekcijskog nadzora vrše nadležni federalni poljoprivredni inspektori.

## **V - PRIJELAZNE I ZAVRŠNE ODREDBE**

Član 22.

- (1) Sastavni dio ovog Pravilnika su slijedeći obrasci:
- zahtjev za odobravanje investicijske podrške -Obrazac I -1,
  - obrazac investicijskog projekta - PIU Obrazac,
  - zahtjev za certifikaciju Organske proizvodnje -Obrazac C-1.

Član 23.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 01-24/1-1404-1/12

25. juna 2012. godine, Sarajevo Ministar **Jerko Ivanković-Lijanović**, s. r.